

郭襄靖公遺集

郭襄靖公遺集卷之二

莆中 郭應聘君賓著

年友漳浦朱天球君玉編

門人泰和郭子章相奎訂

門人晉江王任重尹卿校

不肖男良翰梓

奏疏

巡撫廣西

恭賀 登極疏

奏爲慶 賀事隆慶六年九月初九日諛中書舍

人蔣務稼齋捧

皇上登極詔書前來臣欽遵

開讀拜 賀外臣誠懽誠忭稽首頓首上言伏以

瑤圖肇御普昭

離照之明

寶曆纂膺快覩

鼎新之命懽騰寰宇慶溢臣鄰恭惟

皇帝陛下

睿質金相 英姿玉裕

青宮毓德知

神器之攸歸 紫極重華信

元良之有託念

列祖丕基之重遵

先皇遺詔之勤俯順與情嗣承

大統邁象賢之夏啓克紹禹謨追訪落之周成益揚

武烈誠華夷有道之

主而

宗社無疆之休也臣列職內臺專符外服封疆祗事

徒存葵向之忱

殿闕傾心敬效嵩呼之祝伏願

聖躬天保

帝學日新任輔弼爲腹心喜起邇唐虞之盛集忠

良爲耳目泰亨享夫澤之交垂熙皞于萬年

衍本支于百世臣無任瞻

天仰

聖激切屏營之至

慶賀 仁聖皇太后疏

奏爲慶賀事隆慶六年十一月初十日談中書
舍人王筵齋捧

詔書本年七月二十六日恭上

仁聖皇太后尊號臣欽遵

開讀外臣誠懼誠忤稽首頓首稱賀者伏以

景運維新

純禧茂介風始教家之正慶延裕後之祥中外同懽

臣民共戴恭惟

仁聖皇太后陛下齊莊貞靜恭儉寬仁擁翊

聖君誕膺

顯命撫鴻圖於有截垂燕翼於無窮是以儼

峻極之徽稱備

尊榮之盛福也臣叨役遐方忻逢大慶祝

慈齡之永固願

寶錄以彌昌臣無任瞻仰激切屏營之至

慶賀 慈聖皇太后疏

奏爲慶賀事隆慶六年十一月初十日該中書

舍人王筵齋捧

詔書本年七月二十七日恭上

慈聖皇太后尊號臣欽遵

開讀外臣誠懽誠忭稽首頓首稱賀者伏以

璇源濬發

寶運隆昌輔成久大之基茂衍邦家之慶臣民共戴

中外同懽恭惟

慈聖皇太后陛下 含弘光大 慈惠安貞誕育

聖君丕承

天眷洽懽聲於四海流慶澤於萬年是以顯膺

一人之孝養備極天下之尊榮也臣叨役遐方忻逢
大慶仰

宮闈之燕喜祝

宗社以靈長臣無任瞻仰激切屏營之至

慶賀恭上 兩宮徽號疏

奏爲慶賀事隆慶六年十一月初十日該中書
舍人王筵齎捧

詔書本年七月二十六日恭上

仁聖皇太后尊號二十七日恭上

慈聖皇太后尊號臣欽遵

開讀外臣誠懽誠忭稽首頓首稱賀者伏以

鴻號竝隆四海仰

尊崇之典

龍章煥布

九重申孝養之誠澤覃臣民歡騰中外茲蓋伏遇

皇帝陛下

學與日新

孝由天植總萬幾而庸九德聚百順以奉

兩宮上稽歷代之規首用輔臣之議爰諏吉日特上
徽稱

聖德慈恩宣揚於四表

彝章縟典昭布于萬年是誠曠世之偉觀顯
親之達孝者也臣叨役遐方忝逢

盛事遙瞻

紫禁瑞華藹

北極之尊敬祝

彤庭慶緒衍南山之久臣無任瞻仰激切屏營之至

蕩平府江捷音疏

題爲仰仗

天威蕩平府江積惡巨寇飛

報全捷事准總統四大哨總兵官李錫手本并據監
督副使金柱鄭茂僉事夏道南統督叅將王世科
錢鳳翔都司王承恩原任都司董龍各揭稱奉臣
等劄付備行督率各該漢土官兵遵照分定哨道
剋定日期申嚴號令將府江兩岸三崗各稔惡首
從賊徒楊公滿雷公奉黃公東周添郎黃公護唐

義婆等按圖撲剿等因依奉該副使金柱叅將王世科統督東蘭泗城永順安隆湖潤等官兵於隆慶六年十月十五日進剿三崗攻破古西巖口等巢擒斬賊人賊級二百零四名顆又陸續攻打平滿青龍等巢并把截官兵生擒賊徒八名斬級五百一十四顆各賊逃入笋山古造深山爲巢復督泗城東蘭等官兵分道前進十一月初五日撲剿斬級三百二十二顆把截官兵擒斬三十名顆收兵回營按剿信地斬級八十四顆中下二崗賊徒

奔遯南源雞籠山巢本哨并總統哨策應官兵分
爲五路前進十八日攻破擒斬二百二十二名顆
十二月初五日接剿西喃青殿木魚等巢擒斬首
賊楊錢甫楊公滿楊朝猛楊扶豺楊朝孔莫扶法
莫扶楊等首從賊人賊級二百四十七名顆又接
捕信地陸續擒斬三百六十一名顆又談僉事夏
道南叅將錢鳳翔統督田州忠州龍英武靖遷隆
等官兵十月十五日進剿東岸黃崗古摺糯峒等
巢生擒首賊黃公護蘇公常斬獲首賊唐義婆唐

會婆袁婆沈婆等首從賊級共一百一十三名顆
又陸續攻破黃坭嶺水滄岡等巢生擒首賊黃公
送并斬級共一百二十六名顆十一月二十三等
日撥剿何冲莫家冲等巢斬級二百一十顆各賊
逃入地名倒流山苦竹蒲巖等山巢官兵踰蹤攻
剿十二月初七等日克破巖寨斬級四百一十六
顆又都司王承恩改委東岸哨督田州等官兵二
十三等日攻打龍巖等巢陸續擒斬二百二十二
名顆奪回被虜二名口又該副使鄭茂原任都司

董龍統督歸順南丹那地上林等官兵十月十五日進剿西岸攻打太平古冒馬尾等巢斬獲首賊雷公奉王公社等首從賊級一百四十一顆奪回被虜一名又陸續攻破唐沖彪灘等山巢并把截官兵共擒斬賊人賊級一百一十七名顆水哨都司王承恩統督思恩鎮安都康等官兵由歸化登岸十月十五日夾剿西岸馬尾等巢并陸續攻破勞碌黃牛等巢擒斬首賊周添郎鄧琵琶盤滿婆盤賤婆鄧郎等首從賊人賊級一百二十一名顆

各賊遯入仙迴崗并高天古帶據險爲巢會合各
哨官兵十一月二十七日攻剿仙迴崗西岸哨生
擒賊徒四名斬級一百五十二顆水哨并把截守
備康仁生擒賊徒一名斬級二百八十四顆二十
八日進剿高天巢各賊恃險拒敵礮石發矢如雨
連攻不下當懸重賞至二十九日五鼓泗城兵首
先偷上絕頂放銃爲號各枝官兵奮勇齊登克破
巢寨斬級一百二十六顆陣亡泗城州頭目一名
黃湖目兵四名各賊遯入山沖官兵蹣蹤追剿於

古何冲斬獲原攻永安州首賊黃公東并從賊級
共七十一顆又梭捕信地西岸哨并把截官兵擒
斬二百二十六名顆水哨斬級八十七顆總統哨
開報領哨原任都司田義中軍守備凌文明等督
領向武江州奉議上映等官兵十月十五日策應
東西兩岸斬獲首賊鄧婆并從賊級共一百一十
七顆又會剿南源雞籠仙廻高天等巢陸續斬級
一百四十一顆總計自隆慶六年十月十五日開
刀起至萬曆元年正月二十日止總統哨共擒斬

二百五十八名顆三崗哨共擒斬一千九百九十
二名顆內知州梁直部兵擒斬一百二十五名顆
東岸哨共擒斬一千八十七名顆西岸哨共擒斬
八百三十七名顆水哨共擒斬四百九十三名顆
以上五哨通共擒斬四千六百六十七名顆俘獲
賊屬四百四十八名口牛馬二百三十三頭匹器
械二百一十九件奪回被虜三名口除獲到賊人
賊級內生擒者遵照兵部題

准嚴法令以靖地方事例處決係斬級者解驗明白

發田梟示其賊屬男婦馬匹變價充賞器械收庫
牛隻留給屯守軍兵并復業民犂耕作之用及行
總兵官李錫參將王世科錢鳳翔將各州司土官
兵掣移西向懷遠征剿叛徭摘留田州忠州都康
上林上映遷隆各州司土官兵改委都司王承恩
移劄東岸及委功陞署都指揮僉事韓文啓屯劄
三崗原任都司董龍仍劄西岸督率官兵各於原
信地按捕殘徒處分善後另議掣散案照先爲水
陸未靖亟加剿處以圖廓清以安反側事據帶管

府江兵備副使劉穩呈稱府江兩岸三峒猺獞恃
險稔兇肆行殺掠情由又據右江兵備副使沈子
木分守右叅議李文續叅將王世科會呈稱柳州
府屬遷江北三來賓北五等峒獞賊負固劫虜縱
橫大路情由各呈乞早請大兵剿滅救民水火等
因該臣會同提督兩廣軍務兵部右侍郎殷正茂
巡按廣西監察御史李良臣具本題

請一面將各州司土官兵差官擎捧 令旗牌督調
一面備行布政司計處兵餉并平樂桂林梧州等

府辦集糧米器械船隻等項聽候議舉續准兵部
咨爲江賊滋蔓撫臣議剿乞

勅文武各官務在慎重以圖必勝以保萬全事該兵
科都給事中梁問孟等題并臣等題前事該本部
覆奉

欽依咨臣嚴督總叅司道兵備等官叅酌科臣建白
將府江右江之賊上明天時下察地利中順人情
應先應後相度機宜如時勢果便即當分道進兵
一鼓殄滅如時勢未便亦當長顧却慮以收全勝

至於應調土兵應發糧餉及委官監統等項事宜
悉照原擬施行務使諸孽盡除一方寧謐方爲得
算等因備行到臣該臣等覆行布按都三司并府
江右江兵備各道叅將等官速將前項賊情再加
酌議某巢應剿某巢應撫某巢應撫剿竝用務在
畫一停妥備由通詳隨據右江兵備副使沈子木呈
稱依奉備行來賓遷江二縣各掌印官督備指揮
千碧督令千總蕭紳等進入北三北五地方宣布
朝廷恩威開誠撫諭各崗老情願認還原占屯田錢

糧請官進住及退還原虜來賓遷江二縣民蒙演
蒙葛眉等取具甘結并帶崗老常法真等到道投
見省令回寨安住姑免征剿等因回報又據府江
兵備副使鄭茂呈稱議得粵西徭獍稔惡多年而
平樂一方虔劉獨甚三崗諸賊則占據荔浦縣坊
郭等里之地兩岸諸賊則占據平樂縣樂山等里
之地其往年荼毒之害不暇悉數即近在三四年
間三崗諸賊攻破莫大嘉等堡殺傷兵民數多且
率衆攻圍荔浦縣十餘日道路俱被阻截峯門南

源二巡檢司俱被占據兩岸高天諸賊圍攻永安州城多日欸撫解散續於地名山灣執永安州知州楊惟執連印入巢厚贖而出彪灘諸賊劫虜公差指揮胡潮桂林衛千戶李可久并同行二十餘人殺死千戶周濂龍頭磯殺死土舍岑文并土兵人等又衝劫伐木兵營殺死軍兵數多其他鉤船劫貨殺傷往來吏民客商無日無之每歲府江費軍餉四萬餘兩募兵防守軍餉日費夷志日驕即其罪惡雖草薶禽獮不足以洩神人之憤乞痛加

剿除以復土宇清江道等因又據布政司呈會同
按都二司并守巡兵備等道叅將等官議得府江
之兩岸三崗及右江之北三北五等賊爲兩廣腹
心之患久矣生息滋繁流毒愈甚戡定禍亂以靖
地方是在此舉今北三北五諸賊既有向化之漸
姑候另議惟府江兩岸三崗諸賊倔强如故則今
日之順天時明地利酌人情以宏廓清之圖誠不
容已各備呈到臣該臣會同提督兩廣軍門批行
右江該道省諭北三北五諸獍改惡悔禍姑與自

新將督調各州司土官兵分爲三崗東西兩岸三
哨又添議一水哨共四大哨三崗哨以副使金柱
監督叅將王世科統督東岸哨以僉事夏道南監
督叅將錢鳳翔統督西岸并水哨以副使鄭茂監
督原任都司董龍都司王承恩統督以總兵官李
錫爲總統哨居中調度以分守桂林左叅政胡直
總理糧賞及委知州知縣等官分理諸務又該巡
按衙門備行永寧兵備副使龔大器隨軍紀驗功
次本官丁憂續委清軍副使劉廷舉接管各分派

已定該臣等刊布軍令凡軍中振揚威武應變設
奇屬之統督宣布風猷明刑飭法屬之監督綜覈
名實劑量盈縮屬之總理糧賞糾察奸弊嚴禁冒
濫屬之紀功通行大小文武官員各遵照尅定隆
慶六年十月十五日寅時開刀按圖進剿去後今
據各哨報到擒斬功級緣由前來該臣會同提督
兩廣軍務兼理糧餉兼巡撫廣東地方兵部右侍
郎兼都察院右僉都御史殷正茂議照府江猺獞
憑恃險阻恣肆兇殘其占據田地剽戮商民已非

一日甚而圍州攻縣破堡執官皆臣近歲所親覩
見者自臣受事以來節行該道有司多方撫戢而
頑犢之性卒不可馴兵防日增賞犒日益嗃矢縱
矛跳梁如故若非

天討亟加則荼毒愈深土宇愈蹙非惟兩廣咽喉之
地阻塞不通而永安脩荔數百里之間不胥而爲
夷不止也茲幸

王靈丕振士氣增揚一鼓而兇醜銷魂已成破竹之
勢再麾而堅巢迅掃遂收拉朽之功擒馘幾及五

千俘纍難以數計兩粵之通途無梗萬民之積憤
已紓是豈臣等智力所能効萬分之一哉皆仰仗
聖明臨馭之初

天威允赫

德業中興之會

廟算無遺所致也所據效勞人員相應分別敘論以
明激勸除領哨領隊把截隨征指揮千百戶等官
功次聽巡按御史覈實造冊

奏繳施行軍前供事吏目典史巡檢驛丞等官臣等

徑行分別獎賞及照前項地方該提督兩廣軍務
兵部右侍郎兼都察院右僉都御史殷正茂初議
剿於古田大征之後苦於物力之方疲繼剿於蒼
梧臨鎮之時阻於徵調之未集綏民之志素切料
敵之智如神故聲威所及久奪群醜之心而謀猷
所運悉出萬全之算允茲蕩平之偉烈實皆經略
之訏謨臣及將吏而下咸受厥成用底乃績巡按
廣西監察御史今陞任陝西按察司副使李良臣
會疏興師首倡廓清之舉巡按御史今謫任陝西

寧羗州判官李純朴明法飭吏每勤諭告之文巡按御史唐鍊風紀聿新民憂獨切申嚴督察之令共成底定之勲緣與臣等均爲憲臣况奉有

明例不敢論敘外看得總統四大哨鎮守廣西總兵官征蠻將軍右軍都督府署都督同知李錫忠誠任事藝略擅時勛名久著於淮南節制方新於粵右號令明而貔貅用命指麾定而狐豕寒心憂逸寇之縱橫期滅此而朝食憤偏裨之迤逗欲攘臂以先登策單騎涉層巒危壑之間越五旬處江嵐

嶂霧之苦是一臣者任元戎之重寄臻戡定之大
功所宜茂膺

殊典加陞職級者也監督三崗哨分巡桂林兼理撫
夷道副使金柱經濟弘猷折衝雅志威稜迅發尙
猙之殲馘靡遺紀法嚴明土戍之驕豪盡斂憫地
方蠶食之害視民憂爲己憂備善後牛種之需處
國事如家事監督西岸兼水哨府江兵備道副使鄭
茂風猷峻整智慮精明銳意驅除念民艱有同於
焚溺殫心綜理治兵事無間於晨昏遠涉馬尾之

營艱危不避躬督仙迴之戰運用尤奇監督東岸
哨分巡蒼梧兵備道僉事夏道南性資明敏意氣
激昂發撫僮窩容之奸論議剴切振將士因循之
習調度憂勤歷險攀蘿勵疲師於黃岡追奔逐北
收勝算於蒲巖統督三岡哨分守柳慶叅將王世
科韜鈴夙練勇略兼優駕馭得宜士樂出其麾下
制勝有術寇悉墮其網中笋山之捷淹宿而諸孽
盡殲殿村之圍終朝而七巢蕩掃統督東岸哨分
守潯梧左叅將錢鳳翔膂力剛強謀猷審固馭兵

嚴整所至無搔擾之聲應敵從容臨事多却顧之
慮卒收擒馘之績庶幾持重之風統督水哨都司
掌印署都指揮僉事王承恩志銳策勲謀優應變
協征歸化窟穴先已搗平轉戰仙迴兇黨悉多授
首東岸之績用彌彰干城之重寄可託統督西岸
哨原任廣西都司署都指揮僉事董龍戎機曉暢
枝藝優閑守鎮昭平歷二載驅馳之苦督征洛口
堅一念報稱之心所向既有成功論材不宜遽棄
以上七臣均任監統之寄懋成襄戡之勲功當首

論所宜

特從優擢仍加厚資者也內董龍原係廣西都司僉書以先任南贛守備被論革任續以大征古田功談巡撫都御史殷正茂題報議復原職坐鎮昭平地方未蒙錄用向委府江練兵伐木今有前功應免陞級准與復職以償勞勩布政司左布政使楊成襟抱光明器局弘博寅恭夙夜久懷經世之猷揚確機宜常切攘夷之志量入制用處分悉協於輿情慮遠憂深規畫允禪乎大計總理糧賞分守

桂林道左叅政胡直心存惻怛學有本原議兵則撫剿兼施獠獍受生全之賜理餉則轉輸不乏師徒騰宿飽之歡賑恤之惠無間於民徭招徠之信獨持以終始紀功清軍副使劉廷舉外崇惇大內蘊文明署備兵之寄而民獍輯寧兼紀核之司而軍兵悅服有倫有要恒存儼恪之心不縱不苛甚得公平之體是三臣者均有兵務之司共奏勛勩之績功當併論所宜竝從優擢仍加賞賚者也原任布政司右布政使今陞福建左布政使萬思謙

督理糧儲右叅政李鳳分守蒼梧右叅政張岳分
守右江右叅議李文續按察司按察使高察原任
分巡桂林帶管府江兵備今改廣東巡海道副使
劉穩右江兵備副使沈子木永寧兵備副使先委
紀功今丁憂龔大器左江兵備僉事今丁憂霍與
瑕提學僉事江圻都司僉書署都指揮僉事許文
或分猷於經始懷生民塗炭之憂或贊決於臨機
切逸寇滋蔓之慮或徵促土兵或分給路餉而程
督甚勞或首事紀察或會省竣防而撻伐攸賴以

上諸臣同心共濟勞績弘多所宜厚加賞賚內劉
穩倡議興兵銳情討賊於允機宜形便悉已計度
處分本諸忠義之心共底廓清之烈一官八載兩
省宣勞尤宜優敘以示任事之勸者也平樂府知
府陳子佐桂林府知府彭文質梧州府知府林梓
慶遠府知府張宓平樂府同知林焜章南寧府同
知法愷思恩府同知陽初復慶遠府推官刁騰蛟
署荔浦縣事上石西州知州梁直平樂縣知縣梁
幹恭城縣知縣馬循信永康縣知縣華衷署永安

州事富川縣儒學教諭張璿署脩仁縣事荔浦縣
儒學教諭今陞融縣知縣李邦仁或共輸撫剿之
猷或分理餉需之務或稽功覈卒或繕械拏舟或
固守孤城或截擒逸寇以上諸臣均之服勤

王事協贊大功所當併膺賞賚內知府陳子佐處用
兵之地多事責成知府彭文質當會省之繁百需
取給知州梁直旣効籌略之助且多擒獲之功尤
當優錄者也永福守備康仁興安守備凌文明原
任都司田義功陞都指揮韓文啓或控遏要害或

總帥中軍或協剿山巢或統領哨務均効勤勞所
宜併加賞賚者也如蒙乞

勅該部查將前項應陞應賞各官通行覆議上

請用彰勸典以勵人心再照各土官世受

國恩保有人民土地討賊報効固其職分當然但中
間趨命有從違服勞有勤惰若分別賞罰非所
以昭懲勸而示

恩威查得東蘭州土官常應龍并官男常文明龍英
州土官趙彥麟并官男趙邦興泗城州土官岑紹

勲南丹州土官莫之厚歸順州土官岑瑾江州土
官黃恩向武州土官黃瑚田州土官岑太祿武靖
州官男岑清寶忠州官男黃有瀚奉議州流官州
判楊絲上林縣土官黃允章恩恩府白山等司土
巡檢王吳黃正都康州官舍馮紀鎮安府總目常
農那地州官族羅世璟永順長官司土舍鄧承印
彭大武上映崗崗長許世興湖潤寨巡檢司土舍
岑壽松遷隆崗官弟黃一貫安隆長官司頭目黃
鎮獲功多寡雖有不同然限於地之廣狹兵之強

弱而蹈危履險竭力効勞則一泗城州土官岑紹
勲地方獨遠抵哨稍遲而高天奪險之功委有可
尚俱應行巡按衙門覈實敘錄量其兵力第其功
次議准冠帶署職實授賞賚以酬其勞其係官弟
官族及大頭目者止議給賞以杜爭奪之釁又那
地州土官羅忠輔託病不行而以官族領兵塞責
且謬張虛數實兵不滿千人甚屬抗違似應暫革
冠帶俟其省愆報効另行議給均乞議擬施行庶

賞罰明彰

恩威並著自將吏而下逮土酋益思淬勵奮庸將來
地方永有攸賴矣

薦舉境內人材疏

題爲

開讀事臣伏覩

詔書內一款在京在外官員有以父母老疾願告終
養者例候親終起用但其中或有親疾已平貧須
祿養子年方壯才堪世用者并近年養病給假違
限例該罷職不敘及曾經論列致仕閒住等項原

不係考察黜退人數事久論定年力可用者該撫按官具以名聞吏部再加查實具奏定奪地方官不許因而受賄市恩冒濫奏薦違者以贓論欽此欽遵外案查先准都察院咨前事准吏部咨該本部題前事備咨到臣該臣備行布按二司會訪去後隨據布政司呈該本司左布政使楊成會同按察司按察使高察揭報前來該臣會同巡按廣西監察御史唐鍊查得原任南京通政司右通政徐濬謹恪蒞官清貞絕俗褻身有要而不激不隨共

與其金玉之守典選無私而惟明惟慎咸服其鑑
衡之公事親盡孝菽水克謹于寒溫守禮居喪苦
塊永堅乎歲月名高里閭譽播楮紳原任兵部車
駕司郎中今養病已痊鄧洪震才諳卓犖文行淵
宏筮仕花封久著循良之績繼遷郎署益騰清謹
之聲壯年而恬澹自甘藏脩而充養益邃此二臣
者一則守制而服已滿一則養病而限已達所當
疏薦以俟擢用者也原任南京工部虞衡司主事
陳一謙心思警敏才調精明任令尹而發伏摘奸

且著防倭之績委查盤而徑情執法遂遭落職之辜山林寄跡持守不變初心農圃隨時清脩益堅晚節此一臣者年力尚強公論已定所當備薦以俟錄用者也如蒙

勅下吏部再加查訪如果臣言不謬將徐濬等乘其年力尚強遇有相應員缺及時錄用則

皇上登極之

盛典不遺於僻遐之區而諸臣事

王之微忱益輸於甄收之日其於

聖治未必無少補矣

請添調近兵併報取獲縣印疏

題爲雨雪連旬阻師未進乞

請添調近兵以圖萬全併

報取獲縣印事准總統懷遠哨務鎮守廣西總兵官
李錫手本內稱先准臣手本即將西向官兵自荔
浦縣起程左哨叅將王世科等抵剿稿黃大地等
徭右哨叅將錢鳳翔等抵剿太平河裏等徭俱於
長安鎮地方取齊督發一應未盡機宜悉聽總統

并道叅徑自便宜施行等因隨據長安鎮巡檢司
巡檢周大有報稱正月初二日忽有徭賊數千撐
駕小船數百隻突來攻劫石棋傘頭等村各村鄉
兵先奉明文準備齊同抵殺生擒五名斬獲首級
一十九顆又踰蹤於平琴洲斬獲一顆沉溺水者
不知其數獲船三十餘隻其餘夥賊分遞去訖緣
由到鎮及審生擒各賊口詞稱係丹陽鎮猪肉田
寨蕉花等村徭人隨同稿黃大平等徭前來等情
隨於初四日分給各哨目兵糧餉器械依次發行

續據叅將王世科等揭稱官兵進至板江欲由東岸徑抵懷遠不期雨雪大作連旬不止山路崎嶇寸步難行是以未敢輕進乞暫時休息以養銳氣更請益兵以保萬全等因具揭前來復據監督副使沈子木總理糧賞右叅議李文續揭報相同續又據二道揭稱二月初三日據撫猺名色鎮撫朱萬世男朱應鍾執萬世手帖開稱節奉明文追取縣印正月十二日已獲徑從義寧縣解出至二月十九日據哨守義寧縣指揮王家棟揭報并朱萬

世親赴省城稟稱前印已談右江守巡道差人義
寧接回等情隨行談道委官署掌訖談臣會同提
督兩廣軍務兵部右侍郎兼都察院右僉都御史
殷正茂巡按廣西監察御史唐鍊議照懷遠諸徭
稔惡已極原失印信雖已取還而殺官之罪終不
可貸滅此而後朝食臣等之分亦臣等之心也緣
自正月初八日至二月初旬苦雨不止風雪交加
並無一日晴霽陳兵荒野上濕下浸非惟止宿無
所抑且火食甚艱今欲督之前進誠未敢以爲利

也且原議進剿者係稿黃大地太平河裏近縣數十村倡惡猺賊其餘皆先行招撫一以示不濫殺之恩一以孤彼賊人之黨繼以大衆臨之箴有不就擒者詎意越出長安鎮之寇半是已撫之猺則與先所擬之數迥不相同而原調之兵不過三萬有零若不懇

請增益恐非萬全之計除依各哨所議將官兵暫行休息養銳并將懷遠三甲殘民及黃土絞團等矜狃仍行撫處其叅將兵備等官照舊戴罪殺賊外

查得湖廣永順土司鉤刀手素稱勁悍爲徭賊所
憚而靖州爲賊逸路尤當分哨扼險以防奔突之
虞又兩廣提督軍門募到浙兵鳥銃手數多見今
征剿將畢堪以借調應用及本省各州司土兵再
加督調必使師旅厚集相機督進庶先聲所動既
足以壯我軍之威而兩面夾攻自足以寒賊人之
膽逆寇不足平地方有攸賴矣伏乞

聖明軫念邊疆夷情重大

勅下該部議行湖廣巡撫衙門調發鉤刀手三千名

委靖州叅將統領由彼處取路前進兩廣提督軍門發浙兵烏銃手五千名委將官一員統領至融縣分發各哨爲先鋒之用合用糧餉俱應本省轉給其本省增調土兵鄰省借募客兵及添委監統等官容臣等會同酌處其臨敵制勝一切進討機宜專責總兵官李錫總統調度通候事完之日查明功罪分別具

奏施行謹請

旨

酌議府江善後事宜疏

題爲酌議府江善後事宜以圖久安事據廣西布政司呈奉臣并提督兩廣軍務兵部右侍郎兼都察院右僉都御史殷正茂巡按廣西監察御史唐鍊批據總理糧賞分守桂林道左叅政胡直監督三峒哨分巡桂林撫夷副使金桂監督兩岸哨府江兵備副使鄭茂監督東岸哨分巡蒼梧兵備僉事夏道南各呈并鎮守廣西總兵官李錫條議府江善後事宜緣由俱奉批本司會同各司道查議

詳報諛本司左布政使楊成會同按察司按察使
高察鎮守廣西地方總兵官署都督同知李錫分
守桂林道左叅政胡直督理糧儲右叅政李鳳分
巡桂林道副使金柱府江兵備道副使鄭茂都司
署都指揮僉事王承恩照得府江猺獞恃險剽寇
盤據平梧之間爲地方腹心之患蓋自昔已然民
苦寇劫歲無寧日雖屢勤征剿卒未有傾其巢而
蕩滌之者乃今仰仗

天威汎掃羣醜廓清江道是誠易侏僂爲衣冠化荆

棘爲周行之會也一時監統等官旣已宣力而除
殘又復殫思而廣益各攄久安長治之策共成粵
西開泰之猷又蒙三院博綜羣策俯行集議期貽
地方以千百年之安甚盛心也謹彙諸議要領條
爲陸事曰改復土司曰更設叅將曰開通水陸曰
酌處兵費曰預定縣治曰處分田糧開列具呈合
候題

請等因議呈到臣案查先爲仰伏

天威蕩平府江積惡劇寇飛

報全捷事已將獲功緣由具

題外節據糧賞監督各道及鎮守總兵官李錫將
善後事宜條議前來俱經批行會議去後今據前
因該臣會同提督兩廣軍務兼理糧餉兵部右侍
郎兼都察院右僉都御史殷正茂巡按廣西監察
御史唐鍊議照府江地方上聯省會下接蒼梧蓋
兩粵之咽喉一郡之腹心也嶽岑窈闕甲于天下
諸猺占據其間而又以朦朧三崗仙迴高天爲之
淵藪猶之負隅之虎恣其搏噬莫之誰何百數十

年陳師列艦遮護往來日費一日然猶執官戕吏劫商掠民連年不休以至要挾犒給奉若驕子卒不足以填溪壑之欲者何也誠格於險也茲幸

天威震疊一洗妖氛水陸沛通侵疆盡復誠地方一新之會也但兩岸三崗雖已蕩平而各縣猺獞尚多聯絡即今兵威大振遠近懾息自無侵軼之虞竊恐歲久備踈威弛寇玩蚕食之害又復浸淫如故矣此善後之圖不可不深籌而熟講者也除殘徒之撫處營堡之清汰屯兵之召募糧餉之接濟

一應防範處置事體臣等得以便宜行者遵照

勅諭事理督行兵巡該道次第脩舉不敢煩瀆

聖聽外所據各司道會議各款事宜雖有建置之名而衙門印信多仍其舊雖有目前之費而將來兵餉所省不貲其爲脩攘之謀治安之計蓋數郡地方攸賴不特府江通往之利已也伏乞

聖明勅下該部再加酌議如果臣言可采上請定奪行臣等欽遵施行地方幸甚臣等幸甚

計開

一改復土司照得兩岸三崗仙廻諸賊掃蕩江道
廓清在今日已帖然底定矣然大征之舉要在
貽地方千百年之安非徒爲一時無事計也查
得東岸屬平樂縣併聯富賀恭城蒼梧各縣地
方西岸三崗屬荔浦縣併聯永安脩仁陽朔各
州縣地方延袤千有餘里中間巢崗盤絡實徭
獞淵藪與兩岸三崗相通往年江上之賊恒恃
內地以爲黨援若不及今底定之後廣募土兵
分屯要害設復土司杜絕覬覦數年之後勢必

復聚而今日大征諸費委之草莽矣及查荔浦縣原有峯門南源二巡檢司脩仁縣原有麗壁市巡檢司永安州原有古眉巡檢司向被猺獞占據司各久廢印信收貯府庫流官銓到只以聽差殊爲無用今議將各司改復土司在東岸於地名水滸復麗壁市巡檢司爲土巡司立一大營共用兵二千名分屯平西平嶺鐵匠坡仙家冲等處住種各田地仍復廣運足灘二堡軍兵以重巡緝不惟可以肅清江上而恭城富賀

等縣一帶徭獍亦有所畏而不敢肆矣西岸於
仙廻復古眉巡檢司爲土巡司與高天冲口各
立一大營共用兵一千六百名分屯陸內陸章
等處住種各田地又於龍頭磯立一大營共用
兵一千名委武職官一員統領分屯馬尾田冲
黃牛等處住種各田地以制沿江一帶三崗於
上崗復峯門寨巡檢司爲土巡司兼制中崗立
一大營於地名古西共用兵一千六百名分屯
羊厄峯門盧僊大喃等處住種各田地下崗復

南源寨巡檢司爲土巡司兼制江帶及西岸立一大營於地名東練共用兵一千名分屯大宅東瓦南源等處住種各田地如此不惟西岸三崗之賊盡塞其穴而脩荔永安陽朔等州縣亦皆有所恃而無恐矣仍將各司印信給付管理其流官巡檢免銓即初年兵餉不無稍費然一年之後耕種既熟生養自裕即可無煩官府是費止一年而且耕且守足食足兵將來哨堡之兵可以漸掣田賦之入可以資兵較之每歲軍

餉其所省何啻倍蓰誠地方無窮之利也但各處之兵召募雖已漸足而土司世襲一時委難得人合先於見在領兵官目中文選才勇者分任其事初年量給冠帶以便約束俟三年有功准與實授土巡檢職事五年之後地方相安處置得宜方准世襲如無官目合選衛所指揮千百戶有謀勇者兼管土巡司事果有成效亦准世守其地如或防守疎虞統馭無策聽臣等另選更置庶土司得人諸夷協服而地方有永世之

賴矣伏候

聖裁

一更設叅將照得廣西在左江設有潯梧叅將在
右江設有柳慶叅將惟桂平二府爲兩廣襟喉
向無將領以專控制今府江善後旣議屯兵分
據要害若不設一將領重其事權何以整齊約
束而重一方之彈壓哉查得昭平原原有坐鎮都
司但僉書每多缺人往來交代不一且事權頗
輕民夷難馭合將昭平都司改設叅將一員兼

制桂平兩府凡兩岸三崗永荔一帶新設土司
營堡及桂平二府所屬守備千戶所悉以屬之
合用軍兵將見在募兵五百名及掣哨江兵五
百名共足一千之數半年駐劄昭平半年駐劄
荔浦往來巡緝專一操練堡兵凡各縣撞村悉
統于叅將令其編立保甲互相管攝加意撫綏
俾令樂業間有獷悍不率勾引作奸者即會同
兵備道調各堡兵不時相機剿務使向化者
蒙福梗化者畏威漸磨之久可以化暴爲良江

道內地永無剽劫之患矣其廩糧紙劄供應等項悉照左右兩江事例卽以原議都司者量爲添議充之其統馭撫緝事宜仍乞備載該叅

勅內并請給旗牌

符驗以便行事原設都司照舊回省伏候

聖裁

一開通水陸照得府江水陸上至平樂下至昭平以達梧鎮係兩廣通衢久困猺獞盤據侵擾在江道則層崖壘壁緯挽不通在山粵則鳥道羊

腸人跡罕到視之若異域然今旣蕩平則刊山
通道誠爲急務茲議西岸開路五處自昭平明
源崗以達仙廻又自仙廻以達古蘇直通永安
又自藤灣以達馬尾象磯又自象磯以達田冲
龍頭磯直通平樂府治又自龍頭磯開路以達
大徕山下崗則西岸之險阻通矣東岸開路肆
處自昭平里步達水漚又自水漚達平西羅山
及十三屯等處又自平西羅山開通舊路以達
平樂府城又深冲至桃嶺一帶僅十里許亦宜

查勘開通一路則東岸之險阻通矣三崗原有舊存大路止宜量行脩墊而又於沿江兩岸開砌緯道使舟楫便于往來山陡處則鑿腰脚冲多處則架橋梁隨宜脩治不必拘一則水路可成大道矣其脩治工程即令叅將官董之將附近營堡軍兵因其農隙資以糧食則工不勞而易集仍一面招商伐木爲薪爲炭任其自取官不爲稅使皆樂從一應工費俱于餉銀內取給險阻旣平血脉通暢風氣旣開人文漸著善後

要務莫先于此伏候

聖裁

一酌處兵費照得兩岸三崗各議復土司并設各堡共用實兵七千餘名以初年計之每名月給鹽米銀三錢以十箇月爲期至秋成後停給又給牛具種子并各委官及聽用員役廩糧創建營堡衙門開山通道脩砌緯路等項諸費共約用銀二萬一千餘兩今該兵備道查得平樂府及賀縣庫貯堪動銀兩八千八百九十餘兩又

查目今大征之後應量掣減堡兵工食銀二千二百兩通共銀一萬一千餘兩尚該銀一萬餘兩相應酌處但查布政司庫貯雖有大征古田餘餉及新抽民款銀兩俱備永寧善後支用邇者府江大征給發已幾二萬懷遠進剿又方議費不貲咸仰給于此及查府江軍餉每歲用梧鎮餉銀二萬四千兩今計初年內除掣減兵工食一千二百兩作府江善後支用其餘餉銀仍應照舊支發難以那用所少前項兵費茲議萬

曆元年暫於布政司庫貯餉銀內動支五千兩
提督軍門暫於梧鎮借支銀五千兩共濟本年
兵費次年以後各屯哨兵食免給即於梧鎮歲
發萬曆二年分軍餉內以五千兩補還司庫以
五千兩扣還梧鎮其萬曆三年以後者俱發貯
平樂府庫作爲建縣築城及一應善後之用是
以一年之費而貽地方千百年之安枕以數千
之兵而保八縣數十萬之生靈費省而利多計
無便于此者伏候

聖裁

一預定縣治看得府江自平樂至梧鎮相距五百餘里向因猺獞竊據無一州縣以聯絡其間使聲教不通官旅無宿令格不行等于異域由來久矣查得府江在唐宋時有龍平思勤馬江沙亭等縣後皆爲猺獞窟穴今昭平即古龍平地也其縣印尚存府庫茲議于昭平對江西岸設復縣治已經守巡兵備道親詣其地相度形勢寬平夷衍可容民庶可通商賈且公私棲泊夫

役更替俱爲適中詢之士民咸以爲便廼理勢之不容已者其分管里分先該道府查勘應割平樂縣之昭平馬江二里該額糧一千九百餘石又割富川縣之二伍都該額糧七百餘石又割賀縣之招賢鄉下半里及上半里該額糧一千餘石總計該糧三千六百八十餘石并仙廻土司田糧咸以屬之地既相隣糧亦足用以此建縣并置城廓衙宇而又聯之官師風之學校立之墟市編之保甲衛之兵將則平梧之間隱

然一重鎮矣但今日所急者尚在屯兵設將必俟一二年後兵旅足食商賈輻輳然後即以所省軍餉之餘移爲各項建置之用庶事有次第無時訕舉羸之患治有緩急有威嚴順治之休再照縣印雖存起自前代茲當創復相應更始通候事定之日另行題

請更賜新名然後張官置吏漸次經理此今日所當預定者也伏候

聖裁

一處分田糧照得三崗兩岸仙廻田土徭獫占據
日久無復糧差今清查約有十萬餘畝除平樂
荔浦永安原係民田撥還耕種又荔浦縣復咸
亨一里坊郭半里辦納賦役外今立土司募兵
屯種其地通計兵七千餘名每名給田十畝其
大小頭目加給有差共計田七萬餘畝自萬曆
元年爲始初年給餉并處牛種以資耕鋤三年
之內盡免糧差俾得安業三年之後量行起科
以資軍餉然非預定糧額則後難遵守非薄其

賦稅則人不樂耕今議每畝止起科三升惟令
防守地方不時聽調征剿一切差徭盡行蠲免
著爲定例以後官司不得別議差役以携各兵
專意奉公之心其土司將官不得分毫科索如
有前弊聽兵巡道嚴行叅究前項稅糧各照原
分屬縣上納伏候

聖裁

奏留錢糧疏

題爲兵費重大乞

賜軫念曲處以充餉餽以安地方事據廣西布政司
呈奉臣案驗照得懷遠地方見該各司道并總兵
衙門會議徵調主客官兵分道進剿本折糧餉用
費浩繁若不預行查理未免匱乏難繼案仰本司
將庫貯逐年錢糧某項堪備軍餉某項原係解京
備細查明詳報以憑區處依奉本司查得本省所
屬府州縣地方種多民少田土荒蕪所入夏稅秋
糧不足以供

宗室祿糧官吏師生官軍俸糧之用逐年仰給兩廣

軍門發橋稅銀一萬七千餘兩湖廣布政司協濟銀一萬五百兩湊用此外原無分毫額派軍餉銀兩近年因大征古田始奉發

內帑并川浙雲南解到餉銀及

奏留事例等項稍有羨積自古田恢復之後建州立鎮與設兵備叅將千戶所各衙門凡軍兵月糧工食魚鹽犒賞諸費每歲幾二萬兩及近大征府江用去銀亦將二萬兩前項餉銀支用已多而請發尚無虛日即今懷遠方圖大舉一應糧餉等項別

無措處誠恐臨期不繼貽患匪輕查得本司庫貯
一項知印承差例腳銀自隆慶四年七月初四日
起至六年十二月終止共銀九百三十七兩六錢
五分一項吏農舊例銀自隆慶四年六月三十日
起至六年十二月終止共銀四千二百二十四兩
五錢一項援納儒官義民等項事例銀自隆慶四
年七月十八日起至六年十二月終止共銀一千
九百八十九兩七錢五分一項商稅酒稅魚課課
程銀自隆慶四年五月十二日起至六年十二月

終止共銀一千二百二十兩四錢八分五毫五絲
一項度牒銀自隆慶四年五月二十五日起至六
年十二月終止共銀七百五十五兩四錢五分一
項缺官柴薪馬夫銀自隆慶四年八月初二日起
至六年十二月終止共銀二千六十九兩三錢四
分一項扣解防夫銀三百二十四兩一項察院贓
罰銀共三千八百八十兩一錢五分共八項該銀
一萬五千四百兩零請乞

奏留以充軍餉并將萬曆元年以後再留三年以備

懷遠善後之需及查十年大造例有稅畝銀兩廣
西田土不多計四十一年收除陸續收解稅畝銀
一萬七百兩有零今次所屬州縣俱未徵解約計
如上次之數併乞留用等因到臣該臣會同提督
兩廣軍務兵部右侍郎兼都察院右僉都御史殷
正茂巡按廣西監察御史唐鍊議照禦寇莫要於
足兵養兵莫先於足餉廣西地方被猺獞蠶食之
害極矣用兵費餉勢所必然至懷遠問罪之師尤
非得已徵調甚繁餉餽不繼閭閻已困旣不能加

派於小民而

國用方殷又不敢仰干於

內帑臣等夙夜憂思計無所出惟以地方之錢糧供
地方之兵食庶幾少濟目前不誤大事況以三年
所積僅及一萬五千有奇即再留三年未必實有
此數而稅畝銀兩入戶零星又須設法催徵方可
完解在

朝廷視之不足爲盈縮在廣西視之實係於安危所
據前項銀兩相應議留以救焚眉之急伏望

皇上軫念遐方用武乞

勅該部查議合無俯從將前項事例贓罰商稅課程
缺官柴馬等銀共一萬五千四百兩零并本造稅
畝銀兩准留本省以資用兵之費仍乞將萬曆元
年起至三年止事例贓罰等銀併留接濟兵食其
四年以後照舊解部庶軍需有所攸賴而地方可
恃以安矣

郭襄靖公遺集卷之二終